

# Dawa ka Russia na ka Ukraine ban aiti ia kiba donkti ha ka jingjia thombor lehnoh ha Moscow



**Moscow, Iaiiong :** Ka Russia ka la dawa na ka Ukraine ba ka dei ban aiti ia baroh kito kiba donkti halor ka jingjia thombor lehnoh kaba la jia hapoh Russia, kata kynthup ia u heh ka Tnat syntiat jong ka ri, ong ka tnat kam bar ri ha ka sngi U Blei ba la lah.

“Ka Russia ka la phaikmat sha ki bor sorkar ka Ukraine halor ka jingdawa ban kem bad ban aiti mardor ia baroh kito kiba donkti ha ka kam thombor lehnoh kaba la jia ha Moscow,” ong katei ka tnat hadien ba la bishar bniah halor ki katto katne ki jingjia kam thombor hapoh ka ri.

Katei ka tnat ka la ong ba kane ka jingdawa aiti ia kine ki brieve kiba donkti ha

ka kam thombor ki kynthup ia u heh ka tnat syntiat u Vasyli Maliuk, uba la kam ia ka jingdonkti ka tnat jong u halor ki kam thombor pyrshah ia ka jingkieng kaba pyniasoh ia ka Crimea bad ka Russia hadien ba ka Kremlin ka la wan hiar thma hapoh Ukraine naduh u bnai Rymphang 2022.

Na ka liang ka Tnat syntiat ka Ukraine mardor ka la kyntait ia kane ka jingdawa jong ka Russia kum ka bym don nongrim bad ong ba ka ophis kam bar ri ka Russia ka la klet ba u nongialam ka Kremlin u Vladimir Putin u dei u brieve uba la shah thwet da ki ri ka pyrthei na ka bynta ban kem ia u.

Kane ka jinglong

jingman ka la wan long ruh hadien ba u President Vladimir Putin ka Russia ha ka sngi Nyngkong ba la lah ha ka sien kaba nyngkong u la pdiang ia ka jingdonkti jong ki lehnoh Islamist halor ka kam thombor ba shyrkhei kaba la jia hapoh ka hall pynlong concert ha Moscow kaba la shim ia ka jingim jong kumba 140 ngut ki brieve kaba la jia ha ka sngi Thohdieng ba la lah, hynrei ia kaba u la bteng ban kdew ia ka jingdonkti jong ka Ukraine halor kane ka jingjia.

“Ka jingkylli kaba mih ka long mano ba ioh nong na kane?” Ong u Putin ha ka jingialang bad ki heh ka tnat pahara lyngba ka kor internet ha Kremlin. “Ngi tip mano ba

donkti ha lyndet halor kane ka kam bymman pyrshah ia ka Russia bad ki brieve jong ka. Hynrei kaei kaba ngi kwah ban tip kalong mano ba hukum ban leh ia kane.”

Sawngut ki riewkieng atiar ki la thombor hapoh ka Crocus City Hall ha Moscow ha kane ka miet sngi Thohdieng ba la lah da kaba synreit kuli pathar ia ki paidbah kiba dang wan ban sakhi ia ka kynthun tem Picnic, kata ha ka jingthombor kaba shyrkhei tam hapoh Russia hadien palat arphew snem mynta.

Ka jingiap na kane ka jingjia shah thombor mynta ka la kiew sha ka 139 ngut haduh ka sngi Nyngkong ba la lah, ong u Alexander Bastykin uba dei u chairman jong ka state Investigative Committee.

Ka jingpymih jong u Putin ia ka kyntien Islamist ka dei ka jingpdiang kaba nyngkong eh ia kaba ka US bad ka France ki la pynpaw naduh kaba sdang jong kane ka jingjia. Ka kynthun kieng atiar ISIS Khorason kaba don ia ka tnat treikam ba Afghanistan bad kaba la pyrshang ban kurup ia ka Syria bad ka Iraq ha kine ki shiphew snem ba la dep ka dei kaba donkti ha kane ka kam thombor bad kaba la shim ruh ia ka jingkitk hlieh halor kane ka jingjia.

# Iap 8, mynsaw 20 ngut na ka jingpynbthei bom ha ka jaka iew ba pawkhmat ha Syria



**Beirut, Iaiiong :** Ka jingpyn bthei bom lyngba ka kali hapoh kawei ka jaka iew ba pawkhmat ha ka thaini ba synshar da ka kynthun ba kyrshan Turkey shatei ka Syria ka la shim ia ka jingim jong ki phra ngut ki brieve bad pynmysaw ia palat 20 ngut kiwei pat ha kane ka step sngi U Blei ba la lah, ong ka kynthun jurip thma.

“Kumba phra ngut ki

brieve ki la iap bad 23 ngut kiwei pat ki la mynsaw hadien ba ka jingpynbthei bom ka la jia hapdeng ka jaka iew ba paidbah brieve ha Azaz, ha Aleppo proinve,” ong ka kynthun Human Rights ka Syria.

Kane ka kynthun kaba don ia ka jaka treikam na Britain bad kaba don bunbah ki tyllong khubor hapoh Syria ka la ong ba

kane ka jingbthei ka la wanrah ruh ka jingjulong kaba shyrkhei bad wanrah ruh ia ka jingjulong kaba shyrkhei ia kiba bun bah ki jingtei bad ia ki karkhana treikam.

Kane ka thma hapoh Syria ka la shim ia ka jingim jong palat 507,000 ngut ki brieve bad pynkylla phetwir da ki million ngut kiwei pat bad kaba la wanrah ruh ia ka jingjulong kaba shyrkhei ia kiba bun bah ki jingtei bad ia ki karkhana treikam.

Na ka liang ka Turkey ruh ka la pah da ki bor shipai shapoh Syria, kata ban khyrwit pyrshah ia ki lehnoh Kurdish ia kiba ka Ankara ka la pyniasoh ia ki bad ki lehnoh ka kynthun Kurdistan Workers' Party (PKK), kaba la iakhun ia ka thma lehnoh pyrshah ia ka Turkey mynta lah kumba shiphew snem kynthih.

# Iap 9 ngut ki khynnah na ka jingbthei u bom ba la pynap hapoh khyndew ha Afghanistan

**Kabul, Iaiiong :** Khyndai ngut ki khynnah ki la duh ei la ka jingim na ka jingbthei jong u bom ba la pynap hapoh khyndew (land mines) ha ka thaini shathie mihngi ka Afghanistan, ong ka khubor heh sorkar hynne ka sngi Nyngkong.

Une u bom u dei uba la pynap naduh ka por jong ka jingiaumsnam kaba la neh da ki phew snem ha Afghan, bad kaba la wan jia katba ki khynnah rit kiba kynthup ia ki shynrang bad kynthi ki dang ialehkai hadien ba ki la lapdien ia u ha ki bynta jong ka Geru district hapoh Ghazni province ha kane ka sngi U Blei ba la lah, ong u heh ka province.

Une u bom pynap khyndew u bym pat shym la bthei naduh ka por ka jingwan hiar thma jong ka Russia u la bthei noh katba kine ki khynnah ki dang ialehkai ia u, ong u heh



sorkar ka province.

U la ong ruh ba napdeng kine kiba iap ki kynthup ia san ngut ki khynnah kynthi bad sawngut ki shynrang kiba dang hapdeng ka rta saw haduh shiphew snem.

Kiba bun bah ki bynta jong ka Afghanistan ki la shlei da ki bom ki bym pat shym la bthei, kata kynthup naduh ki bom ba la pynap

hapoh khyndew, ki grenade bad ki bom mortar kiba dei naduh ka jingwan hiar thma jong ka Soviet ha u snem 1979, bad kaba bud da ka thma kam pohing bad ka thma kaba neh 20 snem jong ka Taliban pyrshah ia ka sorkar ba la kyrshan da ki ri sepgi.

Ki kam iaumsnam ha Afghanistan ki la hiar arsut naduh ba ka Taliban ka la

kurup ia ka bor synshar naduh u bnai Risaw 2021, kaba la pynkut noh ia ki kam lehnoh jong ki.

Ka jingdon jong ki bom ki bym pat shym la bthei ka dang ia bteng ban shim ia ki jingim brieve na ka por sha ka por, ia kaba ka Interna tional Committee of the Red Cross ka la ong ba kiba bun kiba la kylla sohpdung ki dei ki khynnah rit.

# Ksih iap u nong Pak ia la ka para hakhmat u kpa, nang ring video u para ia ka jingjia

**Islamabad, Iaiiong :** Uwei u nong Pakistan uba la shah kynthun ring video katba u hymmen jong u, u dang ksih iap iala ka jong ka para u la shah kem noh shibynta jong ka jingjia kam pyniap na ka bynta ka burom jong ka iing ka sem ne ‘honour killing’ kaba la pynkhih bitar ia ka ri baroh kawei, ong ka khubor pulit ha ka sngi U Blei ba la lah.

Ka Maria Bibi 22 snem rta ka la shah pyniap noh ha ka miet jong ka 17 tarik u Lber ha la u jong u hymmen u Muhammad Faisal ha lyngkat ka jingdon lang u kpa jong ka u Abdul Sattar hajan ka sor rit Toba Tek Singh ha ki bynta pdeng ka Punjab province.

Ka video ba la ring da uwei pat u hymmen jong kane ka lanot u Shehbaz kaba la saphriang lyngba ka online la iohi ha ka por ba u Faisal u dang ksih iala ka jong ka para hapoh ka jingthiah katba u kpa jong ki u dang shong hajan.

Ha kawei ka kkep la iohi ha ka video ia u Shehbaz u ba la ong, “Pa sngewbha ong ia u ba u pyllait noh,” hynrei u la shah tim katba u hymmen jong u, u dang ia bteng ban ksih ia la ka para kaba la neh haduh palat ar minit tad haduh ba kan ym khh shuh. Hadien ba u Faisal u la dep ban leh ia kane ka kam pyniap, u kpa jong u, u la tyrwa ia u da ka um ba u dih.

“Na ka liang ki bor pulit ki la lap ha ka 24 tarik u Lber ba kane ka samla kam shym la iap na kiwei pat ki daw ne ki jingshitom. Ngi la rejistar case bad ngi la kylla long hi ki nongujor,” ong u Ata Ullah uba dei u heh pulit ha Toba Tek Singh lyngba ka



lad pathai khubor.

Hadien kane la kem noh mardor ia u Sattar bad u Faisal, katba ia u Shehbaz la kem noh ha ka janmiet sngi Saitjaiin ba la lah ban pynthikna halor ka jingiadon bynta lang ha kane ka kam pyniap, ong u heh pulit.

U la ong ruh ba kane ka kam pyniap ka dei ka ‘honour killing.’ Ka kurim jong u Shehbaz kaba la mih paw ruh ha kane ka video ka la shah kem lang.

Kiba bun hapoh ka imlang sahleng ha Pakistan ki iaid ha ka lynti kaba ki dei ban bud pyrking, kata ha kaba ki kynthi ki dei ban bat ia ki kyndon bad pyndem ha ka mon jong kiba ha iing hasem kiba dei ki shynrang, kata la ka long ha ka liang ka pule puthi, ka treikam trei jam bad iano ba ki lah ban iathoh shongkurim.

Da ki spah ngut ki kynthi ki la shah pyniap noh ha ki rangbah ha Pakistan man la u snem namar ka jingkyntoh pynkheih kyndon.

Katkum ka Human Rights Commission ka Pakistan la ong ba ki don

haduh kumba 316 tylli ki jingjia shah pyniap jong ki kynthi hapoh ka ri tang ha u snem 2022 tang namar kane ka daw.

Watla katta ia ka daw ba thikna halor katei ka jingjia shah pyniap ba dang shen

ym pat lah ban tip thikna.

Hynrei ki pulit ki iathuh ba u Faisal uba donkti ha kaba pyniap u la lap iala ka jong ka para kaba dang leh ia ka video call bad uwei u shynrang bym lah ban ithuh la bun bunsien.

**LIVORIN PLUS**  
200 ml.  
An Ideal Liver Tonic

**LIVORIN PLUS**  
Ka jingshitom u dohnud jong phi ka lah ban lam sha ka jingmysaw kaba ma, sumar bha ia u shuwa ba ka por kan slem palat ba lah ban thaw ia ka jingpang (1) Stem, (2) Sieb u dohnud (3) ym bang bam (4) ka jingdap kpoh (5) Shitom na ka kyrimi dih kyiad ne kino kino ki jingpang u dohnud.  
Dih tista da ka **LIVORIN PLUS**  
Help line: 094363-04525

**ENDOCOUGH**  
100 ml.  
COUGH SYRUP

**ENDOCOUGH**  
Na ka bynta baroh ki jait jyrhoh kum ka jyrhoh rkhiang, ka jyrhoh ksew, ka jyrhoh dap shadem dih da ka **ENDOCOUGH** ka bym don jingktah.  
**Ka jingbthah ban dih:** thep shiteg pila ka um syaid bad sa khlem bad 2-3 shamoit sha ka dawai um **ENDOCOUGH** bad sa sip kumba dih sha 3-4 sien shi sngi.

## Lait thaw u PM ka Libya na ka jingshah ther bom ka iingsah jong u



**Tripoli, Iaiiong :** Ka iingsah jong u Myntri Rangbahduh (PM) ka Libya u Abdulhamid al-Dbeibah ha ka sngi U Blei ba la lah ka la ngat ha ka jingshah ther bom lyngba ka tiar siat RPG, hynrei ha kane ka jingjia ym shym la don ba iap ne mynsaw, ong u Myntri sorkar ka Libya lyngba ka lad pathai khubor.

Une u Myntri u bym kwah pynpaw kyrteug u la pynthikna halor kane ka jingjia da kaba ong ka la wanrah tang khyndiat eh ka jingjulong. Watla katta u la kyntait ban iathuh bniah ha kaba iadei bad kane ka bynta.

Arngut ki nongshong shnong ki la iathuh ba ki la iohsngew ia ka jingsawa kaba jam hajan ki bynta ba marjan jong ka hay Andalus kaba don ia ka iingsah paki dulan jong u PM ka Libya hajan ka rud duriaw.

Hadien kane ka jingjia jing ka jingbthei ki la iathuh ba ki la iohi ia ka jingwan poi mardor jong ki bor pahara lyngba ki kali bad pynlong ia ka jingiaid pahara ha katei ka jaka.

**GOVERNMENT OF MEGHALAYA**  
OFFICE OF THE DEPUTY COMMISSIONER (EL)  
EAST KHASI HILLS DISTRICT, SHILLONG

Ph. No. 0364-2500782  
Fax No. 0364-2223994  
Email: shillong.election@gmail.com

“Greater Participation for a Stronger Democracy”

No. SHEL.V/MP/59/2024/48, Dated Shillong, the 30<sup>th</sup> March, 2024

**NOTIFICATION**

This is to notify that the following dates have been scheduled for inspection of the Election Expenditure Register of the Contesting Candidates by the Expenditure Observer as given below: -

Sl. No	Activity	Date	venue	Time
1.	First Inspection	5 <sup>th</sup> April, 2024	Conference Room (Room 203)	11.30 A.M onwards
2.	Second Inspection	12 <sup>th</sup> April, 2024		
3.	Third Inspection	17 <sup>th</sup> April, 2024		

All the contesting Candidates/Election Agents are hereby directed to produce the said register as per the aforementioned Schedule without fail.

Sd/-  
Returning Officer  
East Khasi Hills District, Shillong

MIPR No. 0002, Dt. 01/04/2024

**MEGHALAYA PUBLIC SERVICE COMMISSION**  
LOWER LACHUMIERE, SHILLONG

No. MPSC/NAZ-29/2017-2018/182 Dated Shillong, the 1<sup>st</sup> April, 2024.

**CORRIGENDUM**  
**PUBLIC NOTICE**

In pursuance of Department letter No. CE/WR/Estt-1038/2023-2024/191 Dated Shillong, the 19<sup>th</sup> March, 2024 and reads with Personnel & Administrative Reforms (B) Department I/D No. 20/2024, dated, 04/03/2024, the Roster for the post of Assistant Engineer (WR) Electrical, Data Entry Operator and Stenographer Gr-II in the office of the Chief Engineer, Water Resources, Meghalaya Shillong, which was advertised earlier by the Commission, stands as follows:

Sl No.	Name of the post	Advertisement	No. of Advertised Post	Category-wise no. of Posts		
				UR	KJ	Total
1	Assistant Engineer (WR) Electrical	No.MPSC/ADVT-39/1/2018-2019/21, dated Shillong, the 13 <sup>th</sup> April, 2018.	01	01	01	
2	Data Entry Operator	No.MPSC/ADVT-38/1/2019-2020/31, dated Shillong, the 22 <sup>nd</sup> July, 2019	01	01	01	

Sl. No.	Name of the post	Advertisement	No. of Advertised Post	Category-wise no. of Posts		
				UR	KJ	Total
1	Stenographer Grade-II	No. MPSC/ADVT-38/1/2019-2020/83 dated Shillong, the 14 <sup>th</sup> November, 2019	02	01	01	02

Abbreviation: UR=Unreserved, KJ= Khasi & Jaintia.

Sd/-  
Secretary  
Meghalaya Public Service Commission  
Shillong

MIPR No. 0003, Dt. 01/04/2024